

ქ. თბილისი

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის ეკატერინე გალდავას სახით და მეორეს მხრივ, შპს „შენეტი 2012“ (შემდგომში „მიმწოდებელი“) წარმოდგენილი მისი დირექტორის ვახტანგ კაპანაძის სახით, „სახელმწიფო შესყიდვების შესახებ“ „სახელმწიფო შესყიდვების შესახებ“ საქართველოს კანონის მე-10¹ მუხლის, მე-3 პუნქტის „დ“ ქვეპუნქტის, საქართველოს მთავრობის 2018 წლის 2 თებერვლის N247 განკარგულებისა და სახელმწიფო შესყიდვების სააგენტოს თავმჯდომარის 2018 წლის 16 იანვრის N158 განკარგულების საფუძველზე (SMP18000103) შ.პ.ს „საქართველოს გაერთიანებული წყალმომარაგების კომპანიის“ 2018 წლის საკუთარი სახსრებით დაფინანსების ფარგლებში გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელიც შეასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

2.1 წინამდებარე ხელშეკრულების საგანს წარმოადგენს სამცხე-ჯავახეთის რეგიონულ ფილიალში შემავალი ბორჯომის სერვის ცენტრის სამოქმედო ტერიტორიაზე წყალმომარაგებისა და წყალარინების სისტემების მშენებლობა-რეაბილიტაციისათვის საჭირო ასფალტის საფარის მოწყობის სამუშაოების შესყიდვა დანართი NI-ის შესაბამისად (შესყიდვის დანაყოფი-45200000-სამუშაოები მთლიანი ან ნაწილობრივ მშენებლობისათვის და სამოქალაქო მშენებლობის სამუშაოები, CPV 45233222- მოკირწყლისა და მოასფალტების სამუშაოები).

2.2 შესასრულებელი სამუშაოს ზუსტი აღწერა მოცემულია დანართი NI-ში (ხარჯთაღრიცხვა), რომელიც წარმოადგენს ხელშეკრულების განუყოფელ ნაწილს.

3 ხელშეკრულების ღირებულება

3.1 ხელშეკრულების სავარაუდო ჯამური ღირებულება შეადგენს 4971,18 (ოთხი ათას ცხრაას სამოცდათერთმეტი ლარი და 18 თეთრი) ლარს.

3.2 ერთეულის ფასები მოცემულია წინამდებარე ხელშეკრულების დანართ NI-ში.

3.3 ხელშეკრულების ზუსტი ღირებულება გამოითვლება ფაქტობრივად შესრულებული სამუშაოების მიხედვით.

3.4 შესასრულებელი სამუშაოს მოცულობის განსაზღვრა მოხდება მხარეთა მიერ შედგენილი დეფექტური აქტის საფუძველზე, რომელსაც შემსყიდველის მხრიდან ხელს აწერს შესაბამისი სერვის ცენტრის მენეჯერი (მისი არყოფნის შემთხვევაში უფლებამოსილი წარმომადგენელი/წარმომადგენლები).

3.5 ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ მიმწოდებლის ყველა ხარჯს დღ-ს ჩათვლით და საქართველოს კანონმდებლობით გათვალისწინებულ გადასახადებს.

3.6 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ერთეულის ან/და საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა

4 ანგარიშსწორების წესი

4.1 „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.

4.2 დაფინანსების წყარო: შპს „საქართველოს გაერთიანებული წყალმომარაგების კომპანიის“ 2018 წლის საკუთარი სახსრები.

4.3 ანგარიშსწორება განხორციელდება ეტაპობრივად, ფაქტობრივად შესრულებული სამუშაოების მიხედვით, მიღება-ჩაბარების აქტის, საგადასახადო ანგარიშფაქტურის და დეფექტური აქტის საფუძველზე, 10 (ათი) სამუშაო დღის ვადაში.

4.4 წინასწარი ანგარიშსწორება არ გამოიყენება.

5 ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი სამუშაოების მიმდინარეობაზე, რათა დარწმუნდნენ მათ შესაბამისობაში ხელშეკრულებით გათვალისწინებულ პირობებთან.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შპს „საქართველოს გაერთიანებული წყალმომარაგების კომპანიის“ შესაბამისი სერვის ცენტრის მენეჯერი (მათი არყოფნის შემთხვევაში უფლებამოსილი წარმომადგენელი/წარმომადგენლები).

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6 შესყიდვის ობიექტის პირობები, ვადები და მიღება-ჩაბარების წესი

- 6.1 შესასრულებელი სამუშაო უნდა აკმაყოფილებდეს დანართი NI-ში (ხარჯთაღრიცხვა) მითითებულ პირობებს.
- 6.2 სამუშაოების მიწოდება უნდა განხორციელდეს ხელშეკრულების გაფორმების დღიდან 2018 წლის 30 დეკემბრის ჩათვლით,
- 6.3 შესყიდვის ობიექტის მიღება განხორციელდება ხელშეკრულების გაფორმების შემდგომ, ფაქტიურად შესრულებული სამუშაოების მიხედვით შემსყიდველისა და მიმწოდებლის უფლებამოსილი წარმომადგენლების მიღება-ჩაბარების აქტის გაფორმების საფუძველზე.
- 6.4 მიღება-ჩაბარების აქტს შემსყიდველის მხრიდან ხელს მოაწერს შესაბამისი სერვის ცენტრის მენეჯერი (მათი არყოფნის შემთხვევაში უფლებამოსილი წარმომადგენელი/წარმომადგენლები).

7 მხარეთა უფლება-მოვალეობანი

7.1 "შემსყიდველი" უფლებამოსილია:

ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;

7.2 "შემსყიდველი" ვალდებულია:

ა) უზრუნველყოს "მიმწოდებლის" მიერ შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.3 "მიმწოდებელი" უფლებამოსილია:

ა) მოსთხოვოს "შემსყიდველს" შესრულებული სამუშაოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 "მიმწოდებელი" ვალდებულია:

ა) შეასრულოს სამუშაოები სათანადო ხარისხითა და სრული მოცულობით.

ბ) უზრუნველყოს სამუშაოების შესრულება ტექნიკური პირობების შესაბამისად;

გ) უზრუნველყოს მისი ბრალულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.

8 საგარანტიო პირობები

მიმწოდებლის მხრიდან, მის მიერ შესრულებულ სამუშაოებზე ვრცელდება საგარანტიო ვადა 1 (ერთი) კალენდარული წლის განმავლობაში, საბოლოო მიღება-ჩაბარების აქტის გაფორმებიდან. აღნიშნული ვადის განმავლობაში საფარის დაზიანების შემთხვევაში მიმწოდებელი ვალდებულია შემსყიდველის მიერ განხორციელებული შეტყობინების მიღებიდან 15 დღის განმავლობაში შეაკეთოს დაზიანებული საფარი.

9 პასუხისმგებლობა

9.1 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს შსრულებული სამუშაოს ღირებულებიდან, იმ შემთხვევაში თუ სამუშაოები არ არის შესრულებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესყიდველის სასარგებლოდ, ხოლო იმ შემთხვევაში თუ შესრულებული სამუშაოების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესყიდველის სასარგებლოდ საჯარიმო თანხებსა და შესრულებული სამუშაოების ღირებულებას შორის არსებული სხვაობა შესყიდველის სასარგებლოდ.

10 ხელშეკრულების მოქმედების ვადა

წინამდებარე ხელშეკრულება ძალაში ხელმოწერის დღიდან და მოქმედებს 2019 წლის 31 იანვრის ჩათვლით.

11 ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.3 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე

12 ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალახავ და მათი კონტროლისაგან დამოუკიდებელ

გარემოებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუზავნოს მეორე მხარეს წერილობითი შეტყობინება ასეთი გარემოების და მათი გამომწვევი მიზეზების შესახებ.

12.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

14. დამატებითი პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15. მხარეთა რეკვიზიტები

შემსყიდველი:

შპს "საქართველოს გაერთიანებული
წყალმომარაგების კომპანია"
მის: ქ.თბილისი, ვაჟა-ფშაველა 76 ბ
სს „ლიბერთი ბანკი“
ცენტრალური ფილიალი
კოდი: 220101480, LBRTGE22
ა/ა N GE77LB0113123325230012
ს/კ 412670097



მიმწოდებელი:

შპს „მშენებელი 2012“
მის: ქ. ბორჯომი სააკაძის ქ. N2
ტელ: 595583158; 599580942
ელ. ფოსტა:
Kapanadzevxtang@yahoo.com
სს „თი ბი სი ბანკი“
კოდი: TBCBGE22
ა/ა N GE41TB7724336080100001
ს/კ 426109622



ბორჯომი										
№	სამუშაოს დასახელება	განზ. ერთ	რაოდენობა	მასალა		ხელფასი		მანქანა-მექანიზმები		სულ ჯამი
				ერთ. ფასი	ჯამური ფასი	ერთ. ფასი	ჯამური ფასი	ერთ. ფასი	ჯამური ფასი	
ასფალტის საფარის დაგება სისქით 5 სმ-ზე										
1	ასფალტის ზედა ფენის მოწყობა სისქით 5 სმ (ბიტუმის იზოლაციის მოწყობა)	მ2	100,00	21,90	2190,00	3,10	310,00	6,20	620,00	3120,00
2	ქვესაგები ფენის მოწყობა სისქით 10 სმ (ფრაქციული ლორღი 0-40მმ-იანი)	მ2	100,00	2,80	280,00	1,60	160,00	1,20	120,00	560,00
	ჯამი									3680,00
	ზედნაღები ხარჯი	ლარი	8%							294,40
	ჯამი	ლარი								3974,40
	გეგმიური დაგროვება	ლარი	6%							238,46
	ჯამი	ლარი								4212,86
	დღგ	ლარი	18%							758,32
	ჯამი	ლარი								4971,18

„შემსყიდველი“

შპს „საქართველოს გაერთიანებული წყალმომარაგების კომპანია“

ეკატერინე გალდავა
დირექტორი



„მიმწოდებელი“

შპს „მშენებელი 2012“

ვახტანგ კაპანაძე
დირექტორი



ხელწერილი ინტერესთა კონფლიქტის არ არსებობის შესახებ

მოკირწყლვისა და მოასფალტების სამუშაოები

მიმწოდებელი: შპს „მშენებელი 2012“

2018 წლის 24 დეკემბერი N 01-122402. ხელშეკრულება

ქ. თბილისი

24 დეკემბერი 2018 წელი

ჩვენ ქვემოთ ხელის მომწერნი, ვადასტურებთ, რომ შპს „საქართველოს გაერთიანებული წყალმომარაგების კომპანიის“ მიერ მოკირწყლვისა და მოასფალტების სამუშაოების შესყიდვის განხორციელებაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და არ იწვევს ინტერესთა კონფლიქტს.

კომპანიის დირექტორი



ეკატერინე გალდავა

დირექტორის მოადგილე ფინანსურ საკითხებში



ირაკლი ურუშაძე

იურიდიული დეპარტამენტის დეპარტამენტის უფროსის მოვალეობის შემსრულებელი;



ლევან ლატარია

შესყიდვების დეპარტამენტის უფროსი



გიორგი მათიაშვილი

სახელმწიფო შესყიდვების სამსახურის უფროსი:



თინათინ მეძმარიაშვილი

სახელმწიფო შესყიდვების სამსახურის მთავარი სპეციალისტი.



მზია ნანეტაშვილი